

- krovišta i potkrovla u stambeni prostor i sl., u cilju trajnog rješavanja stambenog pitanja i kada ne rješavaju stambeno pitanje prvi put.
- (3) Ukoliko na preliminarnoj /konačnoj listi dva ili više lica iz stava (1) ovog člana imaju isti (ukupan) broj bodova, prednost ima dobitnik ratnog priznanja i odlikovanja iz člana 5. stav (3) Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj 70/05, 61/06, 9/10, 90/17 i 29/22).
- (4) Ukoliko je lice iz stava (1) ovog člana ostvarilo ovo pravo, ali u manjem obimu od zakonskog maksimuma, u slučaju ponovnog podnošenja zahtjeva za dodjelu sredstava, može mu se dodijeliti iznos do najvećeg iznosa dodjele pomoći utvrđenog Zakonom, ukoliko postoji opravdana potreba.

## Član 23.

(Zaključivanje ugovora o ostvarivanju prava)

- (1) Korisnik prava na dodjelu sredstava zaključuje sa Ministarstvom ugovor kojim se detaljno preciziraju prava i obaveze korisnika i davaoca sredstava po ovom osnovu.
- (2) Obavezni sastavni dio ovog ugovora jeste odredba da korisnik prava na dodjelu sredstava na ovaj način završava sa svojim potraživanjima prema Ministarstvu po osnovu rješavanja stambenog pitanja.

## Član 24.

(Izbor najpovoljnijeg ponuđača)

Ministarstvo je dužno svake godine objaviti Javni poziv za izbor najpovoljnijeg ponuđača za isporuku građevinskog materijala odnosno izvođenje građevinskih radova korisnicima ovog prava, a u skladu sa propisima iz oblasti javnih nabavki.

**DIO PETI- FINANSIRANJE I KONTROLA**

## Član 25.

(Obezbjedjenje sredstava)

- (1) Broj odobrenih zahtjeva za dodjelu sredstava, kao i visinu sredstava Ministarstvo planira u skladu sa sredstvima odobrenim budžetom Kantona za svaku kalendarsku godinu posebno.
- (2) Sredstva za finansiranje prava utvrđenih ovom uredbom za svaku godinu obezbjeđuju se iz Budžeta Kantona.

## Član 26.

(Podnošenje izvještaja)

- (1) Provodenje ove uredbe vrši Ministarstvo.
- (2) Ministarstvo svake godine u okviru redovnog godišnjeg izvještaja o radu izvještava Vladu Kantona o ostvarivanju prava na dodjelu jednokratnih bespovratnih sredstava za rješavanje stambenih potreba.

**DIO ŠESTI - PRIJELAZNE I ZAVRŠNE ODREDBE**

## Član 27.

(Postupak sa nerealiziranim zahtjevima)

- (1) Zahtjevi koji nisu mogli biti realizirani u godini u kojoj su podnijeti, prenose se u rješavanje za narednu godinu, pod uvjetom da se budžetom Kantona odobri finansiranje ovog prava, a obaveza podnosioca zahtjeva je da po raspisanom javnom pozivu za narednu godinu obnovi, odnosno dopuni svoj zahtjev nužnom dokumentacijom koju propisuje Ministarstvo, ukoliko je zahtjev bio nepotpun.

- (2) Nerealizirani zahtjevi za pomoć u rješavanju stambenih potreba, koji su podneseni do stupanja na snagu ove uredbe, rješavaju se u skladu sa odredbama ove uredbe.

## Član 28.

(Prestanak važenja ranijeg propisa)

Danom stupanja na snagu ove uredbe prestaje da važi Uredba o načinu i uvjetima subvencioniranja kamata kredita i dodjele sredstava za rješavanje stambenih potreba branilaca Bosne i Hercegovine ("Službene novine Kantona Sarajevo", broj 38/20).

## Član 29.

(Obaveze iz ugovora zaključenih po osnovu ranijih propisa)

Sve obaveze iz ugovora zaključenih po osnovu propisa iz člana 28. ove uredbe važe do njihovog ispunjenja prema odredbama ugovora i općim propisima koji uređuju obligacione odnose.

## Član 30.

(Stupanje na snagu)

Ova uredba stupa na snagu narednog dana od dana objavlјivanja u "Službenim novinama Kantona Sarajevo".

Broj 02-04-42154-5/22

13. oktobra 2022. godine

Sarajevo

Premijer

**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 55. stav (8) Zakona o šumama Kantona Sarajevo ("Službene novine Kantona Sarajevo", broj 5/13, 10/21 i 19/22), Vlada Kantona Sarajevo, na 97. sjednici održanoj 13.10.2022. godine, donijela je

**ODLUKU****O VISINI NAKNADE ZA DAVANJE ŠUME I ŠUMSKOG ZEMLJIŠTA U DRŽAVNOM VLASNIŠTVU U ZAKUP I ZA OSNIVANJE PRAVA SLUŽNOSTI NA ŠUMI I ŠUMSKOM ZEMLJIŠTU U DRŽAVNOM VLASNIŠTVU**

## Član 1.

(Predmet)

Ovom odlukom propisuju se visina naknade za davanje šume i šumskog zemljišta u državnom vlasništvu u zakup i za osnivanje prava služnosti na šumama i šumskom zemljištu u državnom vlasništvu.

## Član 2.

(Zakup šume i šumskog zemljišta)

- (1) Šume i šumsko zemljište u državnom vlasništvu može se dati u zakup radi:
- postavljanja privremenih objekata čija je gradnja predviđena ugovorom o koncesiji,
  - GSM baznih stanica,
  - uzgoja divljači i
  - podizanja višegodišnjih nasada na neobraslom šumskom zemljištu ukoliko se time ne narušavaju funkcije šume.
- (2) Ministarstvo privrede Kantona Sarajevo (u daljem tekstu: Ministarstvo) može pojedina šumska zemljišta u državnom vlasništvu ugovorom dati u zakup uz prethodno pribavljeni mišljenje općine na čijem se području nalazi šumsko zemljište.

- (3) Prije sklanjanja ugovora o zakupu šume i šumskog zemljišta u državnom vlasništvu potrebno je pribaviti mišljenje Pravobranilaštva Kantona Sarajevo.

Član 3.

(Pravo služnosti na šumi i šumskom zemljištu)

Na šumi i šumskom zemljištu u državnom vlasništvu može se osnovati pravo služnosti u svrhu:

- a) izgradnje vodovoda,
- b) izgradnje kanalizacije,
- c) izgradnje plinovoda,
- d) izgradnje električnih vodova,
- e) služnosti puta,
- f) izgradnje naftovoda,
- g) skladištenja prirodnog plina,
- h) trajnog zbrinjavanja ugljikovog dioksida,
- i) obavljanja turističke djelatnosti,
- j) izgradnje infrastrukturnih građevina neposredno povezanih s radom proizvodnog postrojenja,
- k) sportsko rekreacijskog turizma i
- l) izgradnje i održavanja infrastrukture (regulacijskih i zaštitnih vodnih građevina, komunalnih vodnih građevina, vodnih građevina za melioracije, vodnih građevina za proizvodnju električne energije, plinovoda, električnih i ostalih vodova, kao i u svrhu druge vrste infrastrukture - komunalne, prometne, energetske, meteorološke i slične infrastrukture).

Član 4.

(Način plaćanja naknade)

Zakupnina i naknada po osnovu uspostave prava služnosti plaća se na godišnjem nivou i to unaprijed u roku od 30 dana od dana potpisivanja ugovora, odnosno 30 dana od početka kalendarske godine za tekuću godinu.

Član 5.

(Visina zakupnine)

- (1) Visina naknade za davanje šume i šumskog zemljišta u državnom vlasništvu u zakup iz člana 2. tačka a) ove odluke određuje se u iznosu od 1 KM/m<sup>2</sup> mjesечно.
- (2) Visina naknade za davanje šume i šumskog zemljišta u državnom vlasništvu u zakup iz člana 2. tačka b) ove odluke određuje se u iznosu od 3,00 KM/m<sup>2</sup> mjesечно.
- (3) Visina naknade za davanje šume i šumskog zemljišta u državnom vlasništvu u zakup iz člana 2. tač. c) i d) ove odluke određuje se u iznosu od 0,03 KM/m<sup>2</sup> godišnje.

Član 6.

(Visina naknade za osnivanje prava služnosti)

- (1) Visina naknade za osnivanje prava služnosti na šumi i šumskom zemljištu u državnom vlasništvu određuje se u slijedećim iznosima:
  - a) za vodovod, plinovod, kanalizacionu mrežu i elektro vodove niskonaponske mreže u visini 0,015 KM/m<sup>2</sup> površine zemljišta koje se optereće godišnje,
  - b) za elektro vodove visokonaponske mreže u visini 0,01 KM/m<sup>2</sup> površine zemljišta koje se optereće godišnje,
  - c) za služnosti puta u visini 0,025 KM/m<sup>2</sup> površine zemljišta koje se optereće godišnje,
  - d) za osnivanje prava služnosti iz člana 3. od tač. f) do l) na osnovu prijedloga stručne komisije koju

imenuje Ministarstvo, u visini od 0,3 KM/m<sup>2</sup> do 0,5 KM/m<sup>2</sup> površine zemljišta koje se optereće godišnje.

- (2) Jedinica lokalne samouprave oslobođena je plaćanja naknade u postupku uspostave prava služnosti za objekte komunalne i prometne infrastrukture čiji je ona investitor.

Član 7.

(Nadzor)

Nadzor nad provođenjem ugovora o zakupu i ugovora o uspostavi prava služnosti provodi Ministarstvo.

Član 8.

(Prestanak važenja ranijeg propisa)

Danom stupanja na snagu ove odluke prestaje da važi Odluka o cijeni zakupa na šumskom zemljištu i uspostavi prava služnosti na šumama i šumskom zemljištu u državnom vlasništvu ("Službene novine Kantona Sarajevo", broj 4/14).

Član 9.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-42154-6/22

13. oktobra 2022. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi precišćeni tekst i 37/14 - Ispravka), Vlada Kantona Sarajevo, na 97. sjednici održanoj 13.10.2022. godine, donijela je

**ODLUKU  
O USVAJANJU POLITIKE UPRAVLJANJA LJUDSKIM  
RESURSIMA U DRŽAVNOJ SLUŽBI KANTONA  
SARAJEVO**

I

Ovom odlukom usvaja se Politika upravljanja ljudskim resursima u državnoj službi Kantona Sarajevo.

II

Sastavni dio ove odluke je Politika upravljanja ljudskim resursima u državnoj službi Kantona Sarajevo.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-42154-7/22

13. oktobra 2022. godine  
Sarajevo

Premijer  
**Edin Forto**, s. r.

**POLITIKA  
UPRAVLJANJA LJUDSKIM RESURSIMA U  
DRŽAVNOJ SLUŽBI KANTONA SARAJEVO**  
Oktobar 2022. godine

**UVOD**

Upravljanje ljudskim resursima i primjena principa dobrog upravljanja predstavljaju važnu pretpostavku za profesionalizaciju i depolitizaciju javne uprave, omogućavajući uspostavljanje sistema karijernog razvoja, stručnog usavršavanja i brige o svakom zaposlenom, kao i bolju